



Broj: 01-11-3-218-10/25
Sarajevo, 14.04.2025. godine

U skladu sa članom 69. stav (1) tačka b) Zakona o javnim nabavkama Bosne i Hercegovine („Službene novine BiH, broj: 39/14 i 52/22), direktor Federalne agencije za upravljanje oduzetom imovinom d o n o s i

ODLUKU
o poništenju postupka javne nabavke putem konkurentskog zahtjeva
za dostavu ponuda za usluge popravki i održavanja zgrada

Član 1.

Poništava se postupak javne nabavke:

- **Predmet nabavke:** Usluge popravki i održavanja zgrada
- **Vrsta postupka:** Konkurentski zahtjev za dostavu ponuda
- **Evidencioni broj nabavke:** 07-11-3-218/2/25 od 26.03.2025. godine
- **Procijenjena vrijednost nabavke:** 17.094,02 KM (bez PDV-a)
- **Broj i datum obavještenja o nabavci:** 13705-7-2-8-3-3/25 od 26.03.2025. g.
- **Datum objave konkurentskog zahtjeva:** 26.03.2025. godine

Član 2.

Postupak javne nabavke se poništava u skladu sa članom 69. stav (1) tačka b) Zakona o javnim nabavkama Bosne i Hercegovine, iz razloga greške u tenderskoj dokumentaciji koja onemogućava nastavak postupka odnosno neslaganja datuma iz tenderske dokumentacije i obavještenja o nabavci broj: 13705-7-2-8-3-3/25 od 26.03.2025. godine.

Član 3.

Ugovorni organ će, u skladu sa članom 70. stav (6) Zakona o javnim nabavkama Bosne i Hercegovine, obavijestiti sve učesnike u postupku o poništenju, uz navođenje razloga.

Član 4.

Ova Odluka stupa na snagu danom donošenja.

Obrazloženje

Dana 05.03.2025. godine direktor Federalne agencije za upravljanje oduzetom imovinom donio je odluku o pokretanju postupka javne nabavke usluga popravki i održavanja zgrada broj: 01-11-3-218/25.

Aktom broj: 07-11-3-218-1/25 od 05.03.2025. godine imenovana je Komisija za provođenje javne nabavke usluga popravki i održavanja zgrada.

Komisija je dana 26.03.2025. godine izradila tendersku dokumentaciju u kojoj je definisala uslove konkurentskog zahtjeva za dostavljanje ponuda u vezi pokrenute javne nabavke.

Dana 26.03.2025. godine, objavljeno je obavještenje o nabavci broj: 13075-7-2-8-3-3/25 od 26.03.2025. godine.

U postupku javne nabavke putem konkurentskog zahtjeva za dostavu ponuda za predmet nabavke usluge popravki i održavanja zgrada, prilikom objave na Portalu javnih nabavki BiH došlo je do tehničke greške usljed koje su:

- objavljeni netačni ili nepotpuni podaci u pozivu i/ili tenderskoj dokumentaciji.

Prilikom objave obavještenja na Portalu javnih nabavki Bosne i Hercegovine, uočena je tehnička greška koja se odnosi na dostavu ponude za učešće u javnoj nabavci usluga popravki i održavanja zgrada, a koja se razlikuje od one objavljene u tenderskoj dokumentaciji odnosno konkurentskom zahtjevu za dostavljanje ponuda.

Uzimajući u obzir da se greška ne može otkloniti bez povrede načela transparentnosti, jednakog tretmana i konkurencije, ugovorni organ je donio odluku o poništenju postupka.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi BiH u skladu sa članom 101. Zakona o javnim nabavkama BiH, u roku od 5 (pet) dana od dana prijema Odluke.

Izradio: E.H.

